

BESTELAKO XEDAPENAK

HEZKUNTZA, UNIBERTSITATE ETA IKERKETA SAILA

2604

AGINDUA, 2012ko maiatzaren 29koa, Hezkuntza, Unibertsitate eta Ikerketako sailburuarena, abenduaren 17ko 298/2002 Dekretuan zehaztutako diru-laguntzen 2012ko deialdia egiteko dena. Dekretu horren bitartez, bizitza osoan zeharreko ikaskuntzarako jarduerak gauzatzeko diru-laguntzak arautu ziren.

2002ko abenduaren 30eko EHAAn argitaratu zen, 248 zenbakian, bizitza osoan zeharreko ikaskuntzaren inguruko jarduerak gauzatzeko diru-laguntzak arautzen dituen abenduaren 17ko 298/2002 Dekretua. Dekretu horren bidez, bizitza osoan zehar egiten den ikaskuntzaren testuinguruan hiritarren parte-hartzea bultzatzeko eta 25 urtetik gorako pertsonen gaitasunak hobetzeko helburua duten ikaskuntza erabilgarriko jarduerak sustatu nahi dira ezagutzaren edozein esparrutan; eta horretarako, Eusko Jaurlaritzako Hezkuntza, Unibertsitate eta Ikerketa Sailaren bitartez martxan jarri dituen laguntzen esparrua ezarri zen.

Etengabeko ikaskuntzako proiektuak erakunde arteko jardunaren helburu izan daitezke, eta bi motatakoak izango dira: batzuk, interesa duten pertsonen banaka jaso dezaketen ikaskuntzako ekimen, ekintza edo jarduera espezifikoari buruzkoak; besteak, toki- edo eskualde-esparruetan ikaskuntzako ekimen, ekintza edo jarduerak garatu eta sustatzen dituztenak.

Beste alde batetik, Euskadiko Ogasun Nagusiaren Antolarauei buruzko Legearen Testu Bateginak, azaroaren 11ko 1/1997 Legegintza Dekretuaren bidez onartuak, ezartzen du Euskal Autonomia Erkidegoak ekitaldi ekonomiko bakoitzean indarrean izango dituen aurrekontu orokorrak zehaztuta daudenean, programei diru-laguntzak eman edo ez erabakitzeko arauak eguneratu, berrikusi edo, hala behar badu, ezarri egin beharko direla, eta zehaztu gabeko indarraldia eman zitzaien diru-laguntzen kasuan, dagokien deialdia egin beharko dela.

Halaber, abenduaren 17ko 298/2002 Dekretuak zehaztugabeko indarraldia edo denbora-mugarik gabeko izaera daukaten diru-laguntzak arautzen dituzenez, eta dekretu horren 10.3 artikulua ematen duen gaikuntza erabiliz, bidezkoa da agindu hau ematea eta EHAAn argitaratzea, aipatutako artikulua arabera, Hezkuntza, Unibertsitate eta Ikerketa Sailak urtero egin behar baitu deialdia.

Azkenik, 298/2002 Dekretuaren lehenengo Azken Xedapenaren bidez, Hezkuntza, Unibertsitate eta Ikerketa sailburuari ahalmena ematen zaio Dekretua garatu eta betearazteko behar diren xedapen guztiak emateko. Hori dela eta, Agindu honen 5 artikuluan ezartzen da onartzen diren proiektuak garatzeko gehieneko epea.

Ondorioz, hau

EBAZTEN DUT:

Lehenengoa.— Xedea.

Bizitza osoan zehar egiten den ikaskuntzaren inguruko jarduerak gauzatzeko diru-laguntzak arautzen dituen abenduaren 17ko 298/2002 Dekretuan zehaztutako diru-laguntzen 2012ko deialdia egitea.

Bigarrena.— Izapideak modu elektronikoan egitea.

1.— Baliabide elektronikoak erabili ahal izango dituzte erakunde interesdunek eskaerak, kontsultak eta prozedura honetako izapide guztiak egiteko.

2.— Izapidetze elektronikoa arautu egiten dute otsailaren 21eko 21/2012 Dekretuak, Administrazio Elektronikoari buruzkoak, eta Informatika eta Teknologiako zuzendariak otsailaren 9an eman zuen Ebazpenak; ebazpen horren bidez, Platea E-Administrazioko Plataforma Teknologikoa onartu zen.

3.— Eskaerak eta erantzukizunpeko adierazpenak aurrez aurre edo modu elektronikoan zelan egin jakiteko eta ereduak eskuratzeko, jo helbide elektroniko honetara: <https://www.euskadi.net>.

4.— Eskaera bat izapidetzeko eta dokumentazioa aurkezteko bide bat erabiltzeak, aurrez aurrekoa izan edo elektronikoa izan, ez dakar nahitaez bide bera erabili behar izatea izapideak egiteko; edozein unetan aldatu ahal izango da bidea.

5.— Eskabidea bide elektronikoan egin eta gero, helbide honetan egingo dira gainerako izapideak: <https://www.euskadi.net/misgestiones>.

Hirugarrena.— Eskaeren aurkezpena: epeak eta formularioak.

1.— Eskaerak aurkezteko epea hilabetekoa izango da, Euskal Herriko Agintaritzaren Aldizkarian agindu hau argitaratu eta biharamunetik hasita.

2.— Eskabideak aurrez aurre aurkeztu ahal izango dira, abenduaren 17ko 298/202 Dekretuko 10.1 artikuluan ezarritakoaren arabera, edo bide elektronikoak erabiliz. Eskaera-eredua euskadi.net-en egoitza elektroniko honetan eskuratu ahal izango da: <https://www.euskadi.net>.

3.— Diru-laguntza jasotzeko eskabideak oso-osorik bete behar dira, eta haiekin batera ondokoa giriak ere aurkeztu behar dira.

a) Erakunde eskatzaileei dagokien dokumentazioa:

- Egiaztatu egin beharko da erakundea, bere izaera juridikoaren arabera, legez eratuta dagoela eta nor den haren ordezkaria eta erakundea ordezkatzeko behar beste botere duela.

Laguntza eskatzen duen erakundeak beren beregi onartu egin behar du organo kudeatzaileak datu edo dokumentu horiek lortzea edo egiaztatzea, hala bide presentziala nola elektronikoa erabiltzen dituenean. Hori gorabehera, Herri Administrazioak egiaztatu, kontrolatu eta ikuskatzeko eskumenak ditu.

- Egiaztatu egin beharko da zerga-betebeharrak eta Gizarte Segurantzakoak betetzen dituztela.

Organo kudeatzaileak behar beste aldiz egiaztatuko du zerga-betebeharrak eta Gizarte Segurantzarekikoak betetzen dituztela; horretarako ez du haien baimenik behar izango, beti ere azaroaren 11ko 1/1997 Legegintzako Dekretuaren arabera (1/1997 Legegintzako Dekretua, Euskal Autonomia Erkidegoko Herriogasuntza Nagusiaren Antolarauei buruzko Legearen Testu Bategina onartzen duena).

b) Ekintzari dagokion dokumentazioa:

- Proiektuan aurreikusitako jarduera-multzoa deskribatzen duen txostena; bertan ondokoak adierazi beharko dira: proiektuaren izena, proiektua gauzatzeko eskatutako zenbatekoa, gauzatu beharreko jarduketan edukiak, helburuak, kokapena,aldiak, jardueraren helburu diren taldeak, jarduketan parte hartzen duten interesdun eragile eta elkarteak, proposatutako metodologia,

ekintzaren kostua atalez atal (pertsonala eta funtzionamendua) eta aurreikusitako ekintzak, eta proiektua definitzeko balio duten gainerako inguruabarrak.

Laugarrena.— Lehentasuna emateko eta esleitzeko irizpideak.

Eskaerak 298/2002 Dekretuaren 14 artikuluan xedatutako irizpideen arabera balioetsiko dira, l. eranskinak ezartzen duen moduan.

Bosgarrena.— Hirugarrenen Erroldan alta ematea.

Laguntza emateko ebazpenik emanaz gero, hura ordaintzeko, Ekonomia eta Ogasun Saileko Hirugarrenen Erroldan alta emanda egon beharko da.

Ekonomia eta Ogasun Saileko Hirugarrenen Erroldan alta emanda ez badaude edo bertan jasotako banku-datuak aldatu nahi izanez gero, datuak honela eman ahal izango dira: inprimakia bete beharko da, helbide honetan azaltzen den ereduaren arabera http://www.euskadi.net/r33-2288/es/contenidos/autorizacion/alta_terceros/es_7999/alta_terceros.html.

Seigarrena.— Deialdiaren diru-baliabideak.

Deialdia finantzatzeko 1.156.000 euro izango dira. Euskal Autonomia Erkidegoko Aurrekontuetan horretarako ezarritako aurrekontu kredituen arabera.

Zenbateko hori handitu egin daiteke abenduaren 17ko 298/2002 Dekretuaren 18.1 artikulua ezarritakoaren arabera.

Zazpigarrena.— Proiektuak osatzeko epea.

Onartutako proiektuek 2012ko urtarrilaren 1etik 2013ko uztailaren 31 arte iraungo dute gehienez.

Zortzigarrena.— Datu pertsonalak.

Datu Pertsonalak Babesteko abenduaren 13ko 15/1999 Legean aurreikusitakoaren arabera, deialdi honen barruan sartu diren prestakuntza-ekintzetan parte hartzeak berekin ekarriko ditu legean aipatzen diren baimenak.

Datuak babesteko gaian indarrean dagoen araudiaren mendean geratuko da, deialdi honen barruan aurkeztutako eskaeretan jasotako informazioa.

Datu Pertsonalak Babesteari buruzko Lege Organikoak xedatzen duena betez, interesatuak, dirulaguntza-eskaera betetzearen bidez, eskaera horretan adierazitako datuak Eusko Jaurlaritzako Hezkuntza, Unibertsitate eta Ikerketa Sailaren Entitate Kolaboratzaileen fitxategi informatizatuetan sartzeko baimena ematen du. Fitxategi honen helburua deialdi honetako diru-laguntzak kudeatzea izango da eta baita deialdi honetara aurkeztzen diren pertsonen deialdiaren garapenari buruz informatzea ere. Fitxategi honen arduraduna Etengabeko Ikaskuntzako Zuzendaritza da. Lege horretan adierazitako sarbide, zuzenketa, ezabatze eta aurkatze-eskubideak erabiltzeko Etengabeko Ikaskuntzaren Zuzendaritzara jo beharko da, helbide honetara: Donostia kalea 1, 01010 Vitoria-Gasteiz.

Halaber, deialdi honetan parte hartu duten pertsonen, Etengabeko Ikaskuntzako Zuzendaritzari baimena ematen diote, beste erakunde publiko batzuetan, aurkeztutako dokumentuen benetakotasuna egiaztatzeko.

AZKEN XEDAPENAK

Lehenengoa.— Agindu honek administrazio-bidea agortzen du eta bere aurka aukerako berraztertze errekurtsoa aurkeztu ahal zaio Hezkuntza, Unibertsitate eta Ikerketako sailburuari, Euskal Herriko Agintaritzaren Aldizkarian Agindua argitaratu eta biharamunetik hasita hilabeteko epean, azaroaren 26ko Herri Administrazioen Araubide Juridikoaren eta Administrazio Prozedura Erkidearen 30/1992 Legearen 116. eta 117. artikuluek ezarritakoaren arabera; edo administrazioarekiko auzi-errekurtsoa Euskal Herriko Auzitegi Nagusiaren Administrazioarekiko Auzietako Salan Euskal Herriko Agintaritzaren Aldizkarian Agindua argitaratu eta biharamunetik hasita bi hilabeteko epean, Administrazioarekiko Auzietako Jurisdikzioa arautu duen uztailaren 13ko 29/1998 Legearen 10.1.a) eta 46.1 artikuluetan ezarritakoaren arabera.

Bigarrena.— Agindu honek Euskal Herriko Agintaritzaren Aldizkarian argitaratu eta biharamunetik aurrera izango du eragina.

Vitoria-Gasteiz, 2012ko maiatzaren 29a.

Hezkuntza, Unibertsitate eta Ikerketako sailburua,
MARÍA ISABEL CELAÁ DIÉGUEZ.

I. ERANSKINA

ESKABIDEAK BALIOESTEKO IRIZPIDEAK

Proiektuaren berritzailea izatea: 35 puntu, gehienez**Metodoa (15 puntu, gehienez)**

Atzemandako beharrianak: egoki azaldu dira.

5

Proiektuari lotutako xede nagusiak ezarri dira.

2

Adierazleak: zehatzak eta baliagarriak dira, proposatutako xedeak neurtzeko modukoak. Ondo definitu dira.

5

Adierazle horien bidez eskuratu litezkeen emaitzen aurreikuspena.

3

Edukiak: emaitzak lortzeko garatuko diren jardueren deskribapena (15 puntu, gehienez)

Hartzaileak: zenbat eta nolakoak diren zehaztu da.

3

Edukiak: hartzaileen prestakuntza beharrianak kontuan hartuta definitu dira.

3

Metodologia: zehatza eta alderatua.

3

Emaitzen ebaluazioa, segimendua eta lorpena: behar bezala azalduta.

3

Kronograma: zehatza.

3

Baliabideak (5 puntu, gehienez)

Proiektua gauzatzeko beharrezko diren giza baliabide eta baliabide materialak.

2

Proiektua osatzen duten lagunen izena, esperientzia eta egitekoa zehaztu dira.

3

Informazioaren eta komunikazioaren teknologien erabilera sustatu, xede pedagogikoekin, betiere (30 puntu, gehienez)

Proiektuak, xedea lortzeko, ICTak erabiltzen ditu: zehatz azalduta.

30

Prestakuntza-proiektuan, ekintza presentzialak izatea eta, halaber, ikaste-prozesuaren faseren batean tresna informatikoak erabiltzea.

15

ICTak erabiltzea, ikaskuntza herritarrengana hurbiltzeko.

10

Gizonen eta emakumeen arteko aukera-berdintasuna sustatu, prestakuntzaren arloan, bai eta lan-merkatutik baztertutako pertsonentzat prestakuntza jasotzeko aukera berdintasuna bultzatu (20 puntu, gehienez)

Gizarteratzeko edo laneratzeko zailtasunak dituzten emakumeentzat landutako proiektua.

20

Prestakuntzan sartzeko zailtasunak dituzten emakumeentzat landutako proiektua.

20

Lan-merkatutik baztertuta dauden edo gizarteratzeko zailtasunak dituzten pertsonentzat landutako proiektua.

15

Prestakuntzan sartzeko zailtasunak dituzten pertsonentzat landutako proiektua.

15

Pertsonak proaktiboagoak izatea lortzeko egindako proiektua.

10

Erakunde onuradunaren esperientzia (15 puntu, gehienez)

Aurreko beste deialdi batzuetan parte hartu, eta emaitza onak izan ditu.

15

Erakunde berria da, baina esperientzia egiaztatua dauka prestakuntza-arlo honetan.

10